

四庫全書

集部

欽定四庫全書

集部

宋詩鈔卷二十八至

詳校官中書臣賈鉉

主事銜臣徐以坤覆勘

總校官編修臣王燕緒

校對官中書臣劉源溥

謄錄監生臣鄭家屏

欽定四庫全書

宋詩鈔卷二十六

內閣中書舍人吳之振編

大同丹淵集鈔

大同字與可蜀梓州人初以文贇文潞公公譽重之
繇是知名登皇祐元年進士為邛州軍事判官調靖
難軍幕至和中召試館職判尚書職方兼編較史館
書籍以親老請通判邛州尋改漢州熙寧中復入朝

與執政議新法不合以論禮坐奪一官出知陵州徙
洋州所至皆有政績代還判登聞鼓院數月出知湖
州尋卒稱石室先生自謂有四絕詩一楚辭二草書
三畫四且云世無知我者惟子瞻一見識吾妙處其
詩清蒼蕭散無俗學補綴氣有孟襄陽韋蘇州之致
與東坡中表每切規戒蘇門亦嚴重之不與秦張輩
列送蘇倅杭云北客若來休問事西湖雖好莫吟詩
蘇不能聽也世以為知言

早晴至報恩山寺

山石巉巖磴道微
拂松穿竹露沾衣
煙開遠水雙鷗落
日照高林一雉飛
大麥未收治圃晚
小蠶猶卧斫桑稀
暮煙已合牛羊下
信馬林間步月歸

睡起

寥寥公館靜門掩
似山家竹簟屢移枕
石盤頻浸花開
多新得策事少早休衙
一覺高春睡誰來伴試茶

織婦怨

擲梭兩手倦，踏繭雙足趺。三日不住織，一疋纔可剪。織處畏風日，剪時謹刀尺。皆言邊幅好，自愛經緯密。昨朝持入庫，何事監官怒。大字雕印文，濃和油墨污。父母抱歸舍，拋向中門下。相看各無語，淚併若傾瀉。質錢解衣服，賈絲添上軸。不敢輟下機，連宵停火燭。當須了租賦，豈暇恤襦袴。前知寒切骨，甘心肩胛露。里胥踞門限，叫罵嗔納晚。安得織婦心，變作監官眼。

咎公慨

晚泊咎公漑船頭餘落暉攜家上岸行愛此風滿衣村
巷何蕭條四顧煙火稀問之曰去歲此地遭凶饑斯民
半逃亡在者生計微請看林木下墻屋皆空園好田無
人耕惟有荊棘肥至今深夜中鬼火流清輝衆稚聞此
語競走來相依錯莫驚且哭牽挽求速歸

謝友人寄畫

客從長安來厚紙封小軸題云此奇畫寄贈公可蓄開
之掛高壁爛絹止一幅中有兩駱駝氣韻頗不俗大駝

載半髀正面頸愈曲小駝方就乳蹲身脚微跼一馬立
其後纔露頭與足三犬乃子母共卧銜齧肉虬翁抱朱
旗狀貌何狠愎端然立高岸勢若不可觸定是閑園長
華旃蓋鮮服不知何所來隨從無一僕初誰作此畫精
妙亦可錄應餘右方在次第不止獨更願君訪來我肯
萬錢贖

夏日閒書墨君堂二首

先人有弊廬涪水之東邊我罷漢中守歸此聊息焉是

時五六月赤日烘遙天山川盡慘燥草木皆焦燃塵襟
既暫解勝境乃獨專高林抱深麓清蔭密石綿增岩敞
戶外淺瀨流窻前邀客上素琴留僧酌寒泉竹簟白石
枕穩處只屢遷忽時乘高風遠望立雲烟野興極浩蕩
俗慮無一緣氣爽神自樂世故便可捐却憶為吏時荷
重常滿肩几案堆簿書區處忘食眠冠帶坐大暑額汗
常涓涓每懼落深責取適敢自便安閒獲在茲恍若夢
游仙行將佩守符復爾趨洋川山中豈不戀事有勢外

牽尚子願未畢安能賦歸田

歸來山中住便作山人冠帶亦自閒累月不着身散
髮層巖阿濯足清澗濱石蘚黏簡冊松風墮衣巾鄉里
多舊游不厭過從頻山肴與野釀待我如佳賓有召即
走赴愛其愛我真常恐禮數乖取問吾交親正此一夏
樂忽茲邁蕭辰還愧擁千騎又走西道塵

重過舊學山寺

當年讀書處古寺擁羣峰不改歲寒色可憐門外松有

僧皆老大待客轉從容又下白雲去樓頭敲暮鐘

閒樂

晝睡忽過午好風吹竹牀溪雲生薄暮山雨送微涼粉
裯衣裳潤蘭薰簟席香歸來閒且樂多謝墨君堂

晚至村家

高原磽确石徑微籬巷明滅餘殘暉舊裾飄風採桑去
白紵卷水秧稻歸深葭繞澗牛散卧積麥滿場雞亂飛
前谿後谷暝煙起稚子各出闌柴扉

過友人谿居

籬巷接菰蒲，閒扉掩自娛。
水蟲行插岸，林鳥過提壺。
白浪搖秋艇，青煙葢晚厨。
主人誇野飯，為我煮新蘆。

江上主人

客路逢江國，人家占畫圖。
青林隨遠岸，白水滿平湖。
魚小猶論尺，鷗輕欲問銖。
何時遂休去，來此伴潛夫。

極寒

燈火宜冬杪，圖書稱夜長。
簾鉤挂新月，窓紙漏飛霜。
酒

醴慙狐宦皮毛逐異鄉誰知舊山下梅艷滿東牆

六月十日中伏玉峰園避暑值雨

南園避中伏意適晚忘歸牆外谷雲起簷前山雨飛興
餘思東燭坐久欲添衣為愛東嶺下泉聲通翠微

訪李真山人隱居

多暇無所適故來尋隱君
寥開壓屋樹觸散擁門雲
狀貌不妨古言談何太文
令人重高趣歸去每斜曛

安仁道中早行

行馬江頭未曉時好風無限滿輕衣寒蟬噪月成番起
野鴨驚沙作隊飛揭揭酒旗當岸立翩翩魚艇隔灣歸
此間物象皆新得須信詩情不可違

面川亭

幽亭最孤絕直入亂叢間近晚獨來此有誰相與閒
簾通大野臨檻數前山便欲教攜酒陶然踏月還

北郭

繞樹垂蘿陰曲堤暖煙深處亂禽啼何人來此共攜酒

可惜拒霜花一谿

讀史

不得滎陽遂失秦始知成敗盡由人可憐一擲羸天下
只使黃金四萬斤

夜學

已叨名第雖堪放未到根原豈敢休文字一牀燈一盞
只應前世是深讐

冷餅

海南有陶器質狀矮而脩云初日炙就鍛鑠不以火水
壺醜突兀酒甕肥磔砢山罍頸微腫石鼎足已跛圓如
鵝夷形大比康瓠顆華元腹且皤王莽口何哆蕃人賈
中國萬里隨大舸攜之五羊市中墮費包裹侏儻講其
效瀉辯若炙輶課以沸泉沃冰雪變立可炙敲療中渴
其用豈么麼君几幾錢得不惜持遺我曾將對佳客屢
試輒亦果勿云遠且陋幸可置之左

中秋夜試院寄子平

憶初我來時夜色如墨障心常念明月幾日西南上松
梢倚樓角一袂偃相向漸見論中物依稀吐形狀今宵
東嶺外灩灩金波漲人間重此夕一歲號佳賞而我督
秋試鐫宿密如藏細務紛滿前約束甚鞅鞅無由奉朋
侶徹曉坐清曠之人富才華筆力趨且壯誰陪把樽酒
露下與酬唱南牆咫尺地使我起遐想人生此良會可
惜已虛放獨立中夜歸倪首入書幌

成都楊氏江亭

汀洲煙雨卷輕霏遙望軒窗隱翠圍萬嶺西來共晚色
一江南下載晴暉鳬鷗慣入闌干宿魚蟹長隨舴艋歸
我亦舊多滄海思幾時如此得苔磯

無為山寺

一絙危磴遠崢嶸上徹幽深入化城煙外川原誰繡畫
雲中樓閣自陰晴老僧高論都無著古佛真身宛若生
聞道軍持新呪水願傾涓滴洒塵纓

郡學鑠宿

長栢高桄蔭廣庭夜涼人靜夢魂清不知山月幾時落
每到曉鐘聞雨聲

月島齋又言累石為山上有一峰穿竅如月謂之

月島齋

詩中子平
即子瞻也

月為太陰精石亦月之類月常寄孕於石中事理如此
何足異天地始分判日月各一物既名物乃入形器安
有形器不消沒況此日與月曉夜東西走珠流壁轉無
暫停豈與天地同長久其為勞苦世共知惟是月有生

死時既然須常換新者人但不見神所為日須天上生
月必地中產君不見潯陽縣之山谷間纔成未就知何
限石有不才者往往其卯蝦靈媼棄置不復惜任人取
去為珍玩佳者留之待天取藏滿庫樓千萬許芳膽博
物天下稱更無定不以予之說為瘳語予恐世人不知
嵩丘崑洞中中有八萬二千脩月戶其所食盡玉屑
昔有王生見之滿襍提斤斧應是當年靈鷲山直自天
竺飛落西湖前其上有石姪月月已滿此人竭來就彼

剝剔歸上天所以此石拆齧不復合至今神胞所附之
處其痕圓拋擲道傍凡幾歲風刷雨淋塵土穢子平一
見初動心輦致東齊自摩洗更選他山相擁列就中獨
爾一峰最奇絕每至瑤琨流光下照時玉柱橫歎無少
缺子平謂我同所嗜萬里書之特相寄邀我為詩我豈
能窻前累日臨空紙遙想當前寶穴通玉蟾從此去無
蹤請君為我細書字側名為月母峰

和提刑度支王店雞詩

王店有郵吏養雞殊可笑昂然處高標不肯以時詔官
有宿此者西征待初曉雞竟不一鳴問吏吏已告云此
最荒絕左右悉蓬蓼狐狸占為宅恣橫不可道前此三
四雞一一遭其暴尋聲即知處盡獲爪牙弔自後始得
此其若有人教東方或未明羣醜尚騰越此雞但鉗結
直伺太陽耀雖然謂失旦似得保身要官曰此何用不
然則宜糴不見不鳴鴈先死蓋自召天下已明白豈假
更喧鬧徒爾費稻粱曾莫知所報吏云官言是且顧忽

嘲誚知是本在人此物何足校

送棋僧惟照

學成九章開方訣誦得一行乘除詩自然天性曉絕藝
可敵國手應吾師窓前橫榻擁爐處門外大雪壓屋時
獨翻舊局辨錯著冷笑古人心許誰

送龐中秀才

曼倩學精知蜥蜴公明術妙識蜘蛛臨邛復有龐成叔
萬事先將八卦圖

遣興效樂天

卷二十六

君莫學楊虞欽奉李宗閔宗閔權勢豈能久君莫學劉
栖楚附李逢吉逢吉祿位寧長守雖然一時身暫好其
奈千古名常醜丈夫讀書要知道所信不篤被其誘大
張富貴作羅網愚者紛紛以身就左纏右繞不可脫誅
竄還當逐其後君不見虞卿須遇李固言君不見栖楚
終遭韋處厚一朝挫折靈氣盡龍如蛇兮虎如狗勸君
聖賢術內好潛心勸君邪佞黨中休入手豈不知潞州

處士田佐時喚與美官嫌不受

野逕

山圃饒秋色林亭近晚情禽蟲依月令藥草帶人名排
石鋪衣坐看雲緩帶行官閒惟此樂與世欲無營

寄何首烏九與友人

此草有奇効嘗聞於習之陵陽此舊產其地尤所宜翠
蔓走晶壁芳叢蔚參差下有根如拳赤白相雌雄斷之
高秋後氣味乃不虧斷以苦竹刀蒸曝凡九為夾羅下

香屑石蜜相和治入臼杵萬過盈盤走累累日進豈厭
屢初若無所滋漸久覺膚革鮮潤如凝脂既已鬚髮換
白者無一絲耳目固聰明步履欲走馳十年親友別忽
見皆生疑問胡得爾術容貌曾莫衰為之講靈苗不為
世俗知蓋以多見賤蓬藿同一虧君如聽予服此語不
敢欺勿信柳子厚但誇仙靈脾

秋日田家

洵漉溝源築野塘滿坡煙草卧牛羊今年且喜輸官辦

且夾繁多粟穗長

可笑口號七章

可笑庭前小兒女栽盆貯水種浮萍不知何處聞人說
一夜一根生七莖

可笑陵陽太守家閒無一事只栽花已開漸落并纔發
長作亭中五色霞

可笑此公何太惑讀書寫字到三更也知學得終無用
自肯辛勤比後生

可笑生平事迂濶向人不肯强云云到頭官職難遷轉
一似城南蕭次君

可笑為官太微幸養愚藏拙在深山君看處置繁難者
日夜經營心不閒

可笑兒孫亦滿眼朝朝庭下立參差謂言飽讀詩書去
憔悴如翁亦好為

可笑山州為刺史寂寥都不是川城若無書籍兼圖畫
便不教人白髮生

山城秋日野望感事書懷詩呈吳龍圖

已是秋陰更夕曛，亂山高下起寒雲。
危樓願見客何處，遠笛不知人厭聞。
身外流年波渺渺，眼前生事葉紛紛。
此愁萬斛誰量得，直為重捻庾信文。

子平寄惠希夷陳先生服唐福山藥方因戲作雜

言謝之

蜀江之東山色盡如赭，有道人云此是丹砂伏。
其下煙雲光潤若洗濯，澗谷玲瓏如刻畫。
我聞神仙草藥不在

凡土生是中當有靈苗異卉之根莖果然人言所出山
芋為第一西南諸郡有者皆虛名就中唐福衆稱賞肥
實甘香天所養有時崑頭倒垂三尺壯士臂忽然洞口
直舉一合仙人掌土人入冬農事閒千篝萬鍤來此山
可憐所驚不甚貴着價即售曾不慳往年子瞻為余說
言君所部之內此物尤奇絕後復寄書勸我當餌之滿
紙親提華嶽先生訣予因購之不惜錢依方服餌將二
年其功神聖久乃覺牙牢體溫支節堅自問丹霄幾時

上早生兩翅教高颺塵世如帑不可居待看鴻濛對雲將

貧居

繩牀擁敝綯初起髮未櫛南窓展書卷就暖讀寒日門
前絕車馬薄暮垂片席短牆挂纖蔓幽鳥啄紅實羣蝸
惡積雨繚繞篆空壁男兒處貧賤舉首宇宙窄翩翩擔
榆鳩宛轉匿絮蟲妻奴競相笑憔悴守大筆

江原張景通善頌堂

庭前雲蓋碧巉嵒堂上先生雪滿髯說藥客來聊下榻
謁齋僧去便垂簾種時法好花難謝買處錢多石易添
子舍光榮身壯健只將香火事華嚴

雲蓋堂
下石銘

寄字文公南

自文州曲
水令棄官

彭澤長謠便歸去君辭曲水亦其徒一官何藉五斗米
二子况皆千里駒懶對俗人常答颺厭聞時事但盧胡
從來綿竹多賢者惟是揚雄失壯夫

送潘司理秘校

已自多時賦式微五峰佳景夢長飛四年遠地為官去
萬里高堂喜客歸下馬便呈新授勅開箱爭認舊縫衣
鄉人覓次來相賀蓴菜鱸魚正軟肥

入五言

曲棧繞斜谷鉤欄天際分吟鞭搖嶺月倦枕拂浮雲好
景不闕俗新詩皆屬君西南有歸客一一幸相聞

清景堂

公外捐塵慮閒中見物情蕉花紅炬密竹節粉環輕燕

泊簾鉤語蜂尋筆架鳴靜能知此趣吃吃笑勞生

呈李堅甫中舍 札

往年曾憶過長安短紙書名詣門下君時延我坐終日
洒掃東軒留看畫橫圖巨軸不知數但見匣中時一把
甲猶未竟乙復作門類著番開滿架使人歎羨不能已
只恨有門歸隔夜歸來兀坐想精絕念此榮觀若為謝
就中寒林兩大幅此物世間誰敢價倏然一別十五載
常向人前盛誇詫因君奉使臨散邑見先問此餘不暇

君能為我再講說座上不容人俗話如君所蓄更誰有
有亦未能為笑罵況君累世盡清職摹本敢求前弄詐
君今還省正擢用異日須求作鄰舍我巾曳履日相謁
更欲重煩開絕帋待尋前輩用心處款曲應須頻假借
每厨閱訖當便還不敢奉欺言羽化

采芡

通判虛微之攜種
種之次年大盛

芡盤團團開碧輪城東壕中如疊鱗漢南父老舊不識
日日岸上多少人駢頭鬚髭露秋熟綠刺紅針割寒玉

提籠當筵破紫苞老蚌一開珠一掬吹臺北下凝祥池
圃田東邊僕射陂如今兩處盡湮沒異日此地名應馳
物貴新成味尤美可惜飄零還入水料得明年轉更多
一匝清波流珠子

峰鐵峽

東風吹空力何短三月隴山全未暖文法姦酋引騎兵
飛隨銀鷁弓刀滿霜矛雪甲寒如水候卒何由知首尾
君不見峰鐵峽頭雲色死一過蕭然五十里

北齋雨後

小庭幽圃絕清佳
愛此常教放吏衙
雨後雙禽來占竹
秋深一蝶下尋花
喚人掃壁開吳畫
留客臨軒試越茶
野興漸多公事少
宛如當日在山家

凝雲榭晚興

晚策倚危榭
羣峰天際橫
雲陰下斜谷
雨勢落褒城
遠渡孤煙起
前村夕照明
遙懷寄新月
又見一稜生

山堂偶書

幾日無公事山堂興頗清和詩防積壓九藥起晴明
石新稜出澆疎晚甲生此昏忙外得低首笑塵纓

將赴洋州書東谷舊隱

晚客無一來獨步入東谷園林已成就此景頗不俗
落巖畔松脩脩澗邊竹爽氣逼襟袖清如新出浴寒泉
激亂石磊磊漱瓊玉荒溪清餘潤滿地苔蘚綠珍禽靜
相倚毛羽華且縉高下相和鳴不去若馴伏幽花雜紅
紫點滴亂盈目坐久微風來時聞散餘馥往年讀書處

宛爾舊茅屋雖然小破壞脩整可數木開門拂軒窓無
限起蝙蝠縱橫列蟲網不免自掃撲壁間細書字多是
親寫錄當時苦謀身如此用意毒于今三十年才抵羊
髀熟一從入仕路行步每蹢躅所畏惟簡書其甘者藜
藿中間何大幸致身在天祿無狀陪俊游俛首常自惡
連章乞外補得郡悉鄉曲雖名二千石敢自辭碌碌朝
廷設新法布作天下福或慮多垢玩訓戒稍嚴肅刺史
當是時能不為驅督行之以中道勉副議者欲刻薄素

所憎忍復用刑獄進身豈不願實懼有陰戮昨從漢中
歸於此度炎燠親朋日相會分誼愈敦篤便欲從之遊
投簪解朝服退自數年計伏臘殊未足還當武康去就
養若雞鶩貧雖士之常於我何迫蹙簞瓢若自具尚可
繼前躅奈何食口衆不比回也獨東方千餘騎導從催
我速行復登長途貌展心甚縮淵明豈俗士幸此有松

菊

崔覲詩

大中
時人

崔覲者高士梁州城固人讀書不求官但與耕稼親夫
婦既已老左右無子孫一日召奴婢盡以田宅均俾之
各為業不用來相聞遂去隱南山雜跡麋鹿羣約曰或
過汝所給為我陳有時攜其妻來至諸人門乃與具酒
食嘯詠相歡忻山南鄭餘慶辟之為參軍見趣使就職
漫不知吏文已復許謝事但謂長者云補闕王直方本
覲之比鄰文宗時上書召見蒙咨詢薦覲有高行用可
追至淳詔授起居郎袞斜走蒲輪辭疾不肯至高風槩秋

旻我昨過其縣徘徊想芳塵訪問諸故老寂無祠與墳
斯人久不競薄夫何由敦此縣漢唐時諸公揚清芬刻
詩子堅廟來者期不泯

翡翠

清晨有珍禽翩翩下魚梁其形不盈握毛羽鮮且光天
人裁碧霞為爾縫衣裳晶熒炫我目非世之青黃愛之
坐良久常恐瞥爾翔忽然投清漪得食如針鉞如是者
三四厭飫已一航既飽且自嬉翻身度回塘飛鳴遂佳

匹相和音琅琅是時鳬與鴈狼籍島嶼旁滿腹釀腥穢
紛紛晒晴陽鷺鷥最麤惡背大脚脰長入水捕蛇鰻淤
泥亦銜將想其見爾時一喙亦爾傷其心肯謂爾被體
凝華章勸爾慎所止好醜誰同鄉清溪多纖鮮亦足充
爾腸江海深且濶所獲未可量爾當事淥刷帝圃參鸞
鳳

晚泊金牛

一襟初覺晚霜清短鞵垂頭任馬行斜日斂回踈木影

急風收斷落泉聲望窮好景番番別題徧新詩閱閱精
終是教人伏潘令許多才調賦西征

寄子駿運使

時按西鄉

西鄉巴嶺下嶮道入孱顏使騎到荒驛野禽啼亂山問
民青靄裏訪古白雲間幾日南城路新詩滿軸還

寄景孺提刑

江由崑嶮地萬木與雲齊弭節山中宿思歸夜半啼孱
香靄野草虎跡滑春泥到此須憑酒何人手可攜

往年寄子平

往年記得歸在京日日訪子來西城雖然對坐兩寂寞
亦有大笑時相轟顧子心力苦未老猶弄故態如狂生
書寫畫壁恣掀倒脫帽褫帶隨縱橫誼歌詩詔文字
蕩突不管鄰人驚更呼老卒立臺下使抱短簫吹月明
清歡居此僅數月夜夜放去常三更別來七年在鄉里
已忝三度移雙旌今茲惛惛意思倦加以跼跼疾病嬰
每思此樂一絕後更不逢人如夜行

依韻和蒲誠之春日即事

輕煙漠漠雨斜斜，無事常教放兩衙。
問客江邊求好石，倩人山裏覓奇花。
新蔬宛宛生晴圃，淺溜涓涓出暖沙。
入夏盃盤須準備，繞畦親灌邵平瓜。

木瓜園

驅馬下高岡，吟鞭只自揚。
溪山過新霽，草木發清香。
浩蕩來江濶，縈紆去棧長。
春風吹欲盡，樽酒嘆何嘗。

水碓

激水為磴嘉陵民構高穴深良苦辛十里之間凡共此
麥入麵出無虛人彼甿居險所產薄世世食此江之濱
朝廷遣使興水利嗟爾平輪與側輪

長舉駟樓

爽氣浮空紫翠濃隔江無限有奇峰君如要識營丘畫
請看東頭第五重

柳溪贈丁綢

場屋聲名四十年五車書誤一囊錢老來山驛為監吏

相對春風但惘然

此君庵

班班墮籜開新筠
粉光璀璨香氣氤
我常愛君此默坐
勝見無限尋常人

晉銘

長安鬻碑者遺我古鼎銘
不知其所來有眼實未經
凡百十九字詭怪摹物形
縱橫下點畫不類子與丁
試考諸傳說其源已冥冥
宣王石鼓文氣韻殊飄零
始皇嶧

山碑骨骼何玲玢我恐鬼哭時正為此物靈安得不死
神提去詢大庭為我譯其辭讀之駭羣聽

秦詔

山流濯幽阮銅篆發古耀我行奉天縣叟以百錢糶讀
之迺二世元年所刻詔謂法度量者盡始皇帝造辭止
曰皇帝久遠若為道乃命斯去疾具述紀其右文章既
精簡字畫亦佳妙亥爾何等人敢作萬世調其為者非
是所累纔一廟區區頌微末回首皆可吊郡兵厭寶玉

得此只揮掉漂流落荒壤千載厄潛奧乃知天宇內事
有不可料此物今何為惟助觀者笑

謝楊侍讀惠端溪紫石硯

學文二十年語氣殊未成所以文房中四譜無一精豈
不願收貯竊恐好事名自愧中稿然敢假外物榮前日
下秘閣謁公來西城公常顧遇厚待以為墨卿延之吐
佳論出口無雜聲語次座上物硯有紫石英云在嶺使
得渠常美其評因取手自封見校囑所擎倉皇奉以拜

其喜懷抱盈歸來示家人衆目歡且驚言並我所有瓦礫而瑤瓊貴價市珍煤風前試寒泓磨知密理潤點覺浮光清洗濯鑑面瑩彈扣牙音鏗遂剪十襲巾加以重篋盛客來有欲觀稍俗不敢呈願傳之子孫更重金滿簞作詩叙嘉貺慙比毫毛輕

西岡僦居

出官在秦蜀始末凡十年所治得公宇靡不完且堅中堂與挾廊角翼相鉤聯領屬僅十口出處皆安便冬夏

惡風日侵薄曾無緣今年歸中都職事叨磨鉢未免僦
屋住敢謂須華鮮西岡頗幽僻愛此遠市廛問得王氏
居十楹月四十牀榻案几外空處無一椽區溷及井竈
圻壁皆相連經痺須俛首過隘常側有所謂十口者日
繞蝸殼旋前時大暑中幾不禁裊延鬱若鼎釜炊局如
往行攀走蝸過亂蟻飛蚊劇羣蟬今日幸過之復畏明
日然喜見白露節相賀肌肉全如何下淫雨曉夕常綿
綿瓦破棖棟漏柱陷墻垣穿惟供改席坐豈暇安枕眠

中庭止數步深已可載船盡室徒跣行一起復一顛京
師費耗地居止實重遷俸料計月入外得無幾錢却思
已過分僅免親犁田自望於古人若地而升天小廬焦
生高陋巷顏子賢引之諭妻孥吾道宜此焉猶勝比鄰
者寒突無晨煙

閔鄉值風

烈風吹華陰古槐若長呼高沙起黃磧四望如一鋪上
馬低便回據鞍兀長途日晚過潼關行客亦已疎守吏

索姓名沸亂如蟲蛆兩目不可開說之使自書夜至閔鄉縣僮僕相欹歔坐定即洗濯泥土捫短鬚草草具盤餐零落飯與蔬恨無姜少府為膾黃河魚

積雨

京師值積雨浮淖皆滿城况當淘汰時左右羅深坑有客南河居旦夕隄上行病僕挾羸馬十步八九傾職事有出入長抱落膽驚都人素豪恣小官常見輕排闥要穩道斂避不敢爭試欲效呵止園目根姓名往往被濺

汚直落舌與晴歸來事洗濯袍袴分縱橫仰首問天公
春澤當早晴幸有好日月何惜施光明

大熱過散關因寄里中友人

六月日正午大暑若沸鑊時行古關道十步九立脚煙
雲炙盡散樹木晒欲落喉鼻喘不接齒舌津屢涸擔血
僮破領鞍汗馬濡膊幽坑困猓密莽渴鳥雀至此因
自謂胡為就名縛所利緣底物奔走冒炎惡塵心日夜
迫欲往不能略因念于故園左右悉林薄昔我未第時

此有文酒樂長松借高蔭飛瀑與清濯層崖對僧詠大
石引客酌畏景雖赫然無由此流爍于今只夢想欲往
途路邈所效殊未立期歸尚誰約徒爾發短歌西首謝
巖壑

送張宗益工部知相州

學術深沉久未施晚登臺省世方知詩章好奏周文廟
字法宜磨魏武碑禁掖便當提大筆名藩猶自擁高麾
應憐共試金坡者答颯渾如鄭鮮之

送王恪司門知絳州

絳守園池天下誇，紹述有記詞聲牙。
蒼官青士左右樹，神君仙人高下花。
遠水依然尚鈎帶，舊門想已無鞦韆。
自憐俗狀不能到此去，羨君專宴衙。

新霜

新霜着庭樹，葉下如猛剉。
蕭然物容改，有若懼凌挫。
砌下丹橘落，牆邊紫榴破。
精光竹勁健，沮喪柳怯懦。
覽景惜向暮，感時驚忽過。
勝事實可樂，閒愁本堪唾。
何當共

佳客對此酌香糯

紅樹

萬葉驚風盡卷收
獨餘紅樹擬禁秋
已疑斷燒生前嶺
更共殘霞入遠樓
楓岸最深霜未落
柿園渾變雨初休
勸君莫上青山道
粧點行人分外愁

鄧隱老木寒牛

蒼崖棲層草芊綿
巨木半死生枯羸
羸牛日晚已噍草
稚子天寒猶打錢

蒲生鍾魁

寒風酸號月慘苦杲飛孤鳴滿墟墓叢棘亂礪翳野霧
古社禿剝倒枯樹下有三鬼相嘯聚初行誰家作症忤
痛熱腫痒快嘔吐塞噎咽喉脹臍肚呼巫召覲使呪詛
翁驚嫗忙設賽具茅盤草船置五路飯孟炙串狼籍布
相共收斂各熟去方此危坐歎且哺忽爾相視生畏怖
有神傑然駕巨牯前呵後擁役二豎此神噉鬼充旦暮
其腹尚餒色躁怒鬼遙見之悉失惜竄匿不暇相告諭

酒傾肉落雜穢汙醜醜飛蕩身偃仆一入木底只四據
一尚把盞愕以顧一自隱蔽捩眦覷神用氣攝縛束固
前死入吻無十步計之嚼啗或味飫蒲生胡為適爾遇
畫之滿卷無一誤筆墨醜怪實可懼持以贈余子何故
揺手不取一錢賂他日乞詩者尤屢試為言之寫其故

謝任瀘州師中寄荔支

有客來山中云附瀘南信開門得君書歡喜失鄙吝
籖包荔子四角俱封印童稚臂聞之羣來立如陣競言

此佳果生眼不識認相煎求拆觀顆顆紅且潤衆手攫
之去爭奪遞追趁貪多乃為得廉恥曾不論喧鬧俄傾
聞咀嚼一時盡空餘皮與核狼籍入煨燼

宋詩鈔卷二十六

欽定四庫全書

宋詩鈔卷二十七

內閣中書舍人吳之振編

米黻襄陽詩鈔

米黻自云黻即芾也故亦作芾字元章太原人徙居襄陽號襄陽漫仕後陟居吳以母侍宣仁后藩邸舊恩補臨光尉歷知雍丘縣漣水軍使太常博士知無為軍召為書畫學博士賜對便殿上其子友仁楚江

清曉圖擢禮部員外郎出知淮陽軍卒解音律衆緯
善屬文作韻語要必已出為工務崖絕魁壘悟竹簡
以竹聿行漆故篆籀法特古作字遒勁奇峭畫山水
人物自成一家極江南煙雲變滅之趣晚以研山易
北固園亭名海嶽庵淨名齋又作寶晉齋因號海嶽
外史人以曾監中獄廟號中獄外史自稱家居道士
有潔癖世謂水滄任大常奉祀太廟洗去祭服藻火
坐是被黜冠服作唐人所好多違世異俗故人皆稱

米顛嘗作詩云飯白雲留子茶甘露有兄人叩之曰
只是甘露哥哥耳王安石愛其詩摘書扇上東坡云
元章奔逸絕塵之氣超妙入神之神字清新絕俗之文
相知二十年恨知公不盡答曰更有知不盡處其風
致可想也有山林集十卷恨未見其全

垂虹亭

斷雲一葉洞庭颿玉破鱸魚霜破柑好作新詩寄秦亭
垂虹秋色滿東南

題多景樓

欲雨氣不透庭梧有棲煙回首望北固雲藏淨名天呼
童速具輿憑高覽山川隱見豈不好開霽景固全須臾
江風流湛湛清露圓歸途知有伴華月上丹淵

觀音巖

秦驅禹鑿已寥寥却為高人得姓焦鮑餌有時邀楚釣
海雲常覺護山樵巖多陰霧龍藏角虹絳蒼林玉露臙
濁氣不侵靈貺下方壇曾駐紫清飈

題泗濱南山石壁曰第一山

京洛風沙千里還
船頭出汴翠屏間
莫論衡霍撞星斗
且是東風第一山

山光寺

竹園山徑晚風清
又入山光寺裏行
一一過僧談舊事
遲遲繞壁認題名
仙來石畔懷灰劫
鶴語池邊勸後生
三十年間成底事
空叨閒祿是榮身

望海樓

雲間鐵甕近青天縹緲飛樓百尺連
三峽江聲流筆底
六朝帆影落樽前
幾番畫角催紅日
無事滄洲起白煙
忽憶賞心何處是
春風秋月兩茫然

題子敬范新婦唐摸帖

貞觀款書丈二紙不許兒竒專婦美
何為寥寥寶是似
遭亂歸貞火兼水
千年誰人能繼趾
不是名家殊未智
嗟爾方來眼須洗
玉躡金題半歸米

雲物龍蛇森動紙
父子王家真濟美
張翼小兒寧近似

滄溟浩對蹄涔水騰蛇無足蜈多趾以假易真信用智
龜辟雖多手屢洗卷不生毛誰似米

直裂紋勻真古紙跋印多時俗眼美誠懸尚復誤疑似
有涓不能辨涇水真偽頭面拳趺趾久假中分辨愚智
寶軸開時心一洗百氏何人傳至米

濮三宗漢作蘆雁有佳思贈以詩

偃蹇汀眠鴈蕭梢風觸蘆京塵方滿眼速為喚花奴
埜趣分苔水風光剪雪湖塵中不作惡為有鄴公圖

答薛紹彭

世言米薛或薛米猶言弟兄與兄弟四海論年我不界
品定多知定如是

訓劉涇

唐滿書奩晉不收却緣自不信雙眸發狂為報秦龍子
不怕人稱米薛劉

擬古

青松勁挺姿凌霄恥屈盤種種出枝葉牽連上松端秋

花起絳煙綺旒雲錦殷不羞不自立舒光射九九相見
吐子效鶴疑縮頸還青松本無華安得保歲寒

龜鶴年壽齊羽介所托殊種種是翫物相得忘形軀鶴
有冲霄心龜厭曳尾居以竹兩附口相將上雲衢報汝
慎勿語一語墮泥塗

秋登峴山之作

皎皎中天月團團徑千里震澤乃一水所占已過二娑
羅即峴山謬云形大地地惟東吳偏山水古佳麗中有

皎皎人璫衣玉為珥位惟列仙長學與千年對幽操久
獨處迢迢願招類金颺帶秋威欸逐雲檣至朝陽興馭
颺暮過光浮袂雲育有風馭蟾蜍有刀利亭亭太陰宮
無乃瞻星氣興深夷險一理洞軒裳偽紛紛夸俗勞坦
坦忘懷易浩浩將我行蠢蠢須公起

西山書院丹徒私居也上皇樵人以異石來告余
凡八十一穴狀類泗淮山一品石加秀潤焉余
因題為洞天一品石以麗其八十一數令百夫

輦致寶晉齋又七日甘露下具石梧桐柳竹椿
杉蕉菊無不需也自五月望至廿六日猶未已
因思之作此詩

我思岳麓抱黃閣飛泉元在半天落石鯨吐出流一里
赤日露下陰紛薄我曾坐石浸足眠肘項抵水洗背肩
客時救我病欲死一夜轉筋着爰燃如今病渴擁爐坐
安得縮脚三十里重往石上浸足眠

甘露寺

六代蕭蕭木葉稀樓高北固落殘暉兩州城郭青烟起
千里江山白鷺飛海近雲濤驚夜夢天低月露濕秋衣
使君肯負時平樂長倒金鍾盡醉歸

答劉巨濟

劉郎收畫蝨甚卑折枝花草首徐熙十年之後始聞道
取吾韓戴為神奇邇來白首進道與學者信有髓與皮
始知十襲但遮壁牛馬便可裏弊帷我我太平老寺主
白紗冒首無冠屨武士後列肅大劔宮女旁侍顰脩眉

神清眸子知寡欲齒露屑反法定饑世人覩服似摩詰
不知六朝居士衣後人勿把亂唐突梁時筆法了可知
道子見之必再拜曹劉何物望藩籬本當第一品天下
却緣顧筆在漣漪

潤州甘露寺

邑故重重構春歸戶戶嵐槎浮龍委骨畫失獸遺眈神
護衛公塔天留米老庵栢梁終厭勝會副越人譚

雜詩

揚清歌發皓齒北方佳人東鄰子且吟白紵停綠水長
袖拂面為君起寒雲夜卷霜海空長風吹天飄塞鴻玉
顏滿堂樂未終館娃日落歌吹濃絃歌興罷拂衣還棄
米何嘗有俸錢恩自大鈞能逐物只應訪樂是優賢

寄薛郎中紹彭

老來書興獨未忘頗得薛老同徜徉天下有識誰鑒定
龍宮無術療膏肓淮風吹戰稀訟牒典客閑閣閑壺漿
吟樹對山風景聚墨池濯硯龜魚藏珠臺寶氣每貫日

月觀桂實時飄香銀淮燭天限織女烟海括地生霧光
雋兒乃是翰墨侶挾竹不使輿衛將象管鈿軸映瑞錦
玉麟斐儿鋪雲肪依依煙華動勃鬱矯矯龍蛇起混茫
持此以為風月伴四時之樂渠未央部刺不糾翰墨病
聖恩養在林泉鄉風沙漲天烏帽客胡不東來從北荒
歐怪褚妍不自持猶能半蹈古人規公權醜怪惡札祖
從茲古法蕩無遺張顛與柳頗同罪鼓吹俗子起亂離
懷素鴛鴦小解事僅趨平淡如盲醫可憐智永硯空白

去本一步呈千咄已矣此生為此因有口能談手不隨
誰云存心乃筆到天工自是秘精微二王之前有高古
有志欲購亡高貨殷勤分治薛紹彭散金購取重跋題
寄紹彭

蕭李駢子弟不收慰問帖妙迹固通神水火土更劫所
存慰問者班班在箱笈使惡乃神護不然無寸札自此
趣畫相後人眼徒攝

揚州

東風何索寞帶雪入揚州尚想遺釵雀重觀上玉鈎真
同一夢覺空憶十年遊邂逅逢孫楚酣歌慰滯留

竹西寺

竹西桑柘暮鴉盤特地霜風滿倦顏不用使君相料理
都緣塵土蔽青山

貞孃墓歌

何不學仙冢纍纍白楊西郭陰風悲虎丘一叩貞孃墓
薜荔援牆委蘭露千歲蒙茸幾樹花夜飄鬼火曉啼鴉

向憐挾瑟彈清月猶憶吹簫乘彩霞吳閭少年往來道
黛娥釵燕誰能好酒滴春雲夢不消泉聲幽咽鐘聲老
陌上行游緩緩歸昨日紅顏今日非東望闔閭穿葬處
玉兒欲化湛盧飛

余嘗碾越竹光滑如金版在油拳上短截作作軸
入笈番覆一日數十張學書作詩寄劉薛

越筠萬杆如金版安用杭油與池繭高壓已郡烏絲欄
平欺澤國清華練老無他物適心目天使殘年同筆研

圖書滿室翰墨香劉薛何時眼中見

將之苕溪戲作呈諸友

松竹留因夏溪山去為秋久賡白雪詠更度采菱謳縷
玉鱸堆案團金橘滿洲水宮無限景載與謝公游

半載依修竹三時看好花懶傾惠泉酒點盡壑源茶主
席多同好羣峰伴不譁朝來還蠹簡便起故巢嗟

余居半載諸公載酒不輟而余以疾每約置膽清
話而已復借書劉李周三姓

好懶難辭友知窮宜念通貧非理生拙病覺養心功小
圃能留客青冥不厭鴻秋帆尋賀老載酒過江東
仕倦成流落游頻慣轉蓬熱來隨意住涼至逐緣東入
境親疎集他鄉彼此同暖衣兼食飽但覺愧梁鴻
旅食緣交駐浮家為興來句留荆水話襟向下峰開過
剡如尋戴遊梁定賦枚漁歌堪畫處又有魯公陪
密友從春折紅薇過夏榮團枝殊自得顧我若含情漫
有蘭隨色寧無石對聲却憐皎皎月依舊滿船行

與薛老

何必識難字辛苦笑揚雄自古寫字人用字或不通要
之皆一戲不當問拙工意足我自足放筆一戲空

蕭閒堂詩

并序

四明從事晉陵錢君世系字延叟過襄陽米芾曰昨
送李濟民渡江與汪行之復會蕭閒堂已徹幕壁間
有畫像題曰權杭州觀察米元章像楊之儀筆楊之
傑贊曰君子之交小人之讐以今方人叔度宜儔余

以袖掩字而問行之曰誰歟行之曰君也僕為檢同
氣德友識面三編無君名姓嗚呼古人論世取友況同
世哉世復有三君子者觀文殿學士王公韶字子純
樞密直學士劉公庠字希道則僕竟不識其面選人
蔡君肇字天啓於相知間語僕如素心腹者云得僕
於王荆公蓋僕於元豐六年赴希道金陵從事之辟
會公謫居始識荆公於鍾山間公門有數十後進喜
爭名而相非又託以長者之言也如天啓樂道人善

者一人而已僕老矣不知一蔡二楊行能識面因延
叟語發悲嘆并記其事於家集中以貽子孫嗚呼仕
開求進之語則世人之邪說大行紛紛不求已而求
人豈其本心實利誘然今樂善君子一何多耶彼口
不道忠信捷捷而惡人翩翩而自喜默默懷奸藏慝
竊竊掩人之善沾沾自標置者得不少悛乎既序其
事因系以詩

誰起蕭間堂圖贊凡醜質昧昧豈我思有懷斯士吉吾

生終不遇二陵已相失
養走四方公卿更絕跡
向我交漸稀背憎十六七
豐吾九畹蘭任汝滿地棘
我豈庸間人偶然得空壁
美哉何方彥精絕入妙筆
君不愧顧長康取媚桓溫圖
九錫我不媿孟浩然緩策京山遇
摩詰前此交道久不康
紛紛白頭多不卒嗚呼紛紛白頭
多不卒回首此君應辟易

宋詩鈔卷二十七